



Riikkabeiválggat 2015

Riikkabeiválggat

Riikkabeiválggat dollojuvvojit juohke njealját jagi. Válggain válljejuvvojit riikkabeivviide 200 riikkabeilahtu mearridit min oktasaš áššiin. Jagi 2015 riikkabeiválggat lágíduvvojit sotnabeivve 19.4.2015.

Riikkabeivviid barggut

Suoma vuodđolága mielde váldi Suomas gullá álbmogii. Álbmot vállje riikkabeivviid mearridit áššiin.

Riikkabeivviid dehálamos bargun lea ásahit lágaid, maid mielde servodat doaibmá.

Nubbi dehálaš riikkabeivviid bargu lea mearridit stáhta bušeahtas. Bušeahtas meroštallo, gos stáhta oažžu ruđa ja masa ruđat geavahuvvojit. Riikkabeivviid bargun lea maid bearráigeahččat stáhta ruhtadoalu dikšuma.

Riikkabeivvit válljejit riikka ráđđehusa oaiveministara ja bearráigeahččet ráđđehusa doaimma. Lassin riikkabeivvit mearridit, man oaivilis Suoma stáhta lea mánggain Eurohpa uniovnna áššiin.

Gii oažžu jienastit?

Riikkabeiválggain sáhtá jienastit Suoma juohke riikkavuloš, guhte lea deavdán 18 jagi maŋimušta válgabeivve 19.4.2015.

Jos dus lea jietnavuoigatvuohta riikkabeiválggain, oaččot das poasttas almmuhuskortte. Dat postejuvvo njukčamánu.

Almmuhuskorttes lea du namma, válgabeivi ja ovdajienastanáigi sihke diehtu jienastanbáikkistat válgabeivve. Almmuhuskortte mielde oaččot maid logahallama ovdajienastanbáikkiin du ruovttu lahka sihke eará dehálaš dieđu válggaid birra.

Gean sáhtá jienastit?

Sáhtát jienastit olbmo, guhte lea evttohassan riikkabeiválggain du iežat válgabiies.

Suopma lea juhkkon 13 válgabiirii. Juohke válgabiires leat iežas evttohasat. Du válgabiire almmuhuvvo almmuhuskorttes.

Dieđu evttohasain oaččot ovdamearkka dihte aviissain, televišuvnnas dahje neahtas čujuhusas www.vaalit.fi.

Juohke evttohasas lea iežas evttohasnummir. Du iežat válgabiire evttohasaid nummirat gávdnojit earet eará jienastanbáikkiin. Nummirat oidnojit dábálaččat maid evttohasaid válgamáidnumiin.

Válgačiegusvuohta

Juohkeokta mearrida ieš, hálidago jienastit. Juohkeokta mearrida ieš maid das, gean hálida jienastit. Jietnavuoigatvuhtii gullá válgačiegusvuohta. Dat oaivvilda, ahte don it dárbbáš mitalit geasage, guđemuš evttohasa jienastat.

Goas sáhtttá jienastit?

Sáhtát jienastit riikkabeiválggain joga válgabeaivve dahje dan ovdal ovdajienasteami.

Jienasteapmi válgabeaivve

Válgabeaivi lea sotnabeaivi 19.4.2015. Válgabeaivve jienastanbáikki leat rabas diibmu 9–20. Sáhtát jienastit dušše dan jienastanbáikkis, mii lea merkejuvvon du almmuhuskortii.

Ovdajienasteapmi

Jos it sáhte dahje hálit jienastit válgabeaivve, sáhtát jienastit ovddalgihtii. Sáhtát jienastit man beare ovdajienastanbáikkis Suomas dahje olgoriikkain. Ovdajienasteapmi álgá 8.4.2015 ja nohká 14.4.2015. Dárkkis ovdajienastanbáikki rabasáiggiid logahallamis, man oaččot almmuhuskortte fáro, dahje neahtas čujuhusas www.vaalit.fi

Geas oažžu veahki?

Válgavirgeolbmot ja válgaveahkeheaddjit veahkehit ja rávvejit du buot diliin. Jos dárbbášat veahki jienasteami, sáhtát bivdit válgaveahkeheaddji veahkin jienastangohppii. Válgaveahkeheaddjin sáhtttá doaibmat maid olmmoš, gean leat ieš válljen. Válgaveahkeheaddji ii oaččo mitalit geasage, gean don jienastit.

Ruoktojenasteapmi

Jos leat lossadit lámisolmmoš dahje guhkesáigge buohcci, sáhtát jienastit ovddalgihtii ruovttus. Almmut das telefovnain dahje skoviin iežat gielda guovddášválgalávdegoddái 7.4.2015 dmu 16 rádjai. Lávdegotti telefonnummira gávnnat almmuhuskorttestat. Maiddái oapmahašdikšu sáhtttá almmuhit iežas ruoktojenasteapmái. Buohcceviesuin ja lágádusain sáhtttá jienastit ovddalgihtii, jos lea doppe divššus.

Ovdal jienasteami

Váldde jienasteapmái fárrui identitehtaduodastusa, ovdamearkka dihte pássa, persovdnakoartta, vuodjinkoartta dahje eará vástideaddji virggálaš áššegirjji, mas lea mielde du čuovgagovva.

Jienastanbáikkis du vuordá válgavirgeolmmoš. Son dárkkista vuos du identitehta identitehtaduodáštusas ja addá dutnje jienastanlihpo.

Ná jienastat válgabeaivve

1. Mana deavdit jienastanlihpo jienastangohppii. Čále jienastanlihppui čielgasit dan evttohasa nummira, gean jienastat. Oaččot jienastit dušše ovttá evttohasa. Jos it muite nummira, dárkkis nummira logahallamis jienastangohpe seainnis. Ale čále jienastanlihppui maidige eará go iežat evttohasa nummira.
2. Máhcas jienastanlihpo guovdu nu, ahte oktage ii sáhte oaidnit nummira. Lihppui lea merkejuvvon báiki, gokko dat máhcastuvvo.
3. Máhca válgavirgeolbmo lusa. Válgavirgeolmmoš steampalastá máhcastuvvon jienastanlihpo.
4. Luoitte máhcastuvvon jienastanlihpo válgaurdnii.

Ná jienastat ovddalgihtii

1. Mana deavdit jienastanlihpo jienastangohppii. Čále jienastanlihppui čielgasit dan evttohasa nummira, gean jienastat. Oaččot jienastit dušše ovttá evttohasa. Jos it muite nummira, dárkkis dan iežat válgabiire evttohaslogahallamis, mii lea ovdajienastanbáikkis oaidninláhka. Ale čále jienastanlihppui maidige eará go iežat evttohasa nummira.
2. Máhcas jienastanlihpo guovdu nu, ahte oktage ii sáhte oaidnit nummira. Lihppui lea merkejuvvon báiki, gokko dat máhcastuvvo.
3. Go leat deavdán jienastanlihpo, máhca válgavirgeolbmo lusa. Válgavirgeolmmoš steampalastá máhcastuvvon jienastanlihpo ja addá dutnje ruškes válgakonfaluhta. Bija jienastanlihpo konfaluhttii ja liibme konfaluhta gitta.
4. Dan maŋŋá válgavirgeolmmoš bivdá du vuolláičállit skovi. Vuolláičállimiin don dáhkídat, ahte leat ieš deavdán jienastanlihpo, virgeolmmoš lea steampalastán dan ja leat ieš gokčan jienastanlihpo konfaluhttii.
5. Loahpas válgavirgeolmmoš gokčá válgakonfaluhta ja du vuolláičállin skovi fiskes sáddenkonfaluhttii ja sádde dan guovddášválgalávdegoddái.

Ná don leat jienastan ja sáhtát vuolgit jienastanbáikkis.

Prošyra lea neahtas čujuhusein www.vaalit.fi ja www.papunet.net/selko

Vuoigatvuodaministeria
Selkokeskus